



Հ Ա Յ Ա Ս Տ Ա Ն Ի Հ Ա Ն Բ Ա Պ Ե Տ ՈՒ Թ Յ Ա Ն
Ֆ Ի Ն Ա Ն Ս Ն Ե Ր Ի Ն Ա Խ Ա Ր Ա Ր

«26» սեպտեմբերի 2017 թ.

թիվ 487-Ա

Հ Բ Ա Մ Ա Ն

«ՌՈՅԱԼ ԻՆՏԵՐԹԵՅՆՄԵՆՏ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅԱՆ ՆԿԱՏՄԱՄԲ ՈՐՊԵՍ ՊԱՏԱՍԽԱՆԱՏՎՈՒԹՅԱՆ ՄԻՋՈՑ ՏՈՒԳԱՆՔ
ԿԻՐԱՌԵԼՈՒ ՄԱՍԻՆ

Համաձայն «Ռոյալ Ինտերթեյնմենտ» սահմանափակ պատասխանատվությամբ ընկերության նկատմամբ Հայաստանի Հանրապետության ֆինանսների նախարարությունում 2017թ. օգոստոսի 29-ի թիվ 03/24-2/15648-17 գրությամբ հարուցված վարչական վարույթի նյութերի և Հայաստանի Հանրապետության ֆինանսների նախարարի 2017թ. օգոստոսի 03-ի թիվ 402-Ա հրամանի հիման վրա Հայաստանի Հանրապետության ֆինանսների նախարարության կողմից իրականացված «Ռոյալ Ինտերթեյնմենտ» սահմանափակ պատասխանատվությամբ ընկերությանը Հայաստանի Հանրապետության ֆինանսների նախարարության կողմից 2014թ. հունվարի 01-ին տրված թիվ ԽՏ-003 խաղատան կազմակերպման լիցենզիայի պայմանների և պահանջների կատարման ստուգման արդյունքում 2017թ. օգոստոսի 24-ին կազմված թիվ ԽՏ-02 ակտի՝ «Ռոյալ Ինտերթեյնմենտ» սահմանափակ պատասխանատվությամբ ընկերությունը թվով երկու դեպքով խախտել է «Շահումով խաղերի, ինտերնետ շահումով խաղերի և խաղատների մասին» Հայաստանի Հանրապետության օրենքի 6-րդ հոդվածի 2-րդ մասի «ժ» կետի պահանջը:

«Ռոյալ Ինտերթեյնմենտ» սահմանափակ պատասխանատվությամբ ընկերության կողմից նախկինում այդպիսի խախտում թույլ տրված լինելու հիմքով Հայաստանի Հանրապետության ֆինանսների նախարարի 2016 թվականի նոյեմբերի 28-ի թիվ 1667-Ա

հրամանով «Ռոյալ Ինտերթեյնմենտ» սահմանափակ պատասխանատվությամբ ընկերության նկատմամբ կիրառվել է «Շահումով խաղերի, ինտերնետ շահումով խաղերի և խաղատների մասին» Հայաստանի Հանրապետության օրենքի 13-րդ հոդվածի 2-րդ մասի «է» կետով նախատեսված պատասխանատվության միջոցը:

Ղեկավարվելով «Շահումով խաղերի, ինտերնետ շահումով խաղերի և խաղատների մասին» Հայաստանի Հանրապետության օրենքի 13-րդ հոդվածի 2-րդ մասի «է» կետով և 3-րդ մասով, ինչպես նաև ՀՀ կառավարության 2008 թվականի մայիսի 18-ի թիվ 503-Ն որոշման 2-րդ կետի 1-ին ենթակետով հաստատված Հայաստանի Հանրապետության ֆինանսների նախարարության կանոնադրության 11-րդ կետի 4-րդ ենթակետի դրույթներով՝

Հ Ր Ա Մ Ա Յ ՈՒ Մ Ե Մ

1. «Ռոյալ Ինտերթեյնմենտ» սահմանափակ պատասխանատվությամբ ընկերության նկատմամբ նշանակել տուգանք երկու միլիոն Հայաստանի Հանրապետության դրամի չափով, որից հինգ հարյուր հազար Հայաստանի Հանրապետության դրամը՝ «Շահումով խաղերի, ինտերնետ շահումով խաղերի և խաղատների մասին» Հայաստանի Հանրապետության օրենքի 6-րդ հոդվածի 2-րդ մասի «ժ» կետով սահմանված պահանջը խախտելու մեկ դեպքի համար, իսկ մեկ միլիոն հինգ հարյուր հազար Հայաստանի Հանրապետության դրամը՝ «Շահումով խաղերի, ինտերնետ շահումով խաղերի և խաղատների մասին» Հայաստանի Հանրապետության օրենքի 6-րդ հոդվածի 2-րդ մասի «ժ» կետով սահմանված պահանջի մյուս խախտման համար՝ պայմանավորված նույն օրենքի 13-րդ հոդվածի 3-րդ մասի հատկանիշերի առկայությամբ:
2. Նշանակված տուգանքը ենթակա է վճարման Հայաստանի Հանրապետության պետական բյուջեի գանձապետական 900005024154 հաշվեհամարին:
3. Նշանակված տուգանքը սույն հրամանն օրենքով սահմանված ժամկետում անբողոքարկելի դատնալուց հետո՝ ամբողջությամբ կամ մասամբ վճարված չլինելու դեպքում, ենթակա է հարկադիր կատարման Հայաստանի Հանրապետության օրենսդրությամբ սահմանված կարգով և ժամկետներում՝ Հայաստանի Հանրապետության ԱՆ ԴԱՀԿ ծառայության միջոցով:
3. Սույն հրամանը կարող է բողոքարկվել վարչական կարգով՝ այն ուժի մեջ մտնելու օրվանից երկամսյա ժամկետում կամ Հայաստանի Հանրապետության վարչական դատարան:

4. Սույն հրամանն ուժի մեջ է մտնում «Վարչարարության հիմունքների և վարչական վարույթի մասին» Հայաստանի Հանրապետության օրենքի 59-րդ հոդվածով սահմանված կարգով՝ իրազեկելուն հաջորդող օրվանից:



Վ. ԱՐԱՄՅԱՆ